

Apertura historico na Fort Zoutman diaranson anochi



ORANJESTAD – Na Februari, un grupo grandi di

musico di Aruba bao di e maneho di entre otro Jona-

than Viera y Aaron Hose, a biaha bay Manhattan, NY pa haci un grabacion di nos Himno Nacional “Aruba Dushi Tera”.

Esaki ta un homenahe na gobernador di Aruba Sr. Fredis Refunjol na ocasion di e final di su termino como gobernador. E grabacion aki tabata acompaña pa un Orkesta Sinfonico y musiconan di Aruba. Diaranson anochi a organisa un apertura na Fort Zoutman, caminda tur e musiconan di Aruba a bini hunto pa asina presenta e entrega oficial di e regalo na e ocasion tambe di e di 40 aniversario di nos Himno Y Bandera. Segun Jonathan Viera, si e por haci algo asina



grandi pa Aruba, otro musiconan tambe por haci mescos y tambe hasta miho. E ta sigui splica cu e unico cos cu ta importante ta pa bo haci un bon trabou y demostra cu

bo merece locual bo kier. Si bo ta un artista local, haci un bon grabacion y pone esfuerso den bo trabou anto sigur cu bo ta bay yega mas leu di loke bo ta pensa, Viera ta bisa.